

## IDEA BANGSA TERBAIK MENURUT PERSPEKTIF SEJARAH DAN PERADABAN

### *EXPLORING NOTIONS OF THE "BEST NATION" THROUGHOUT HISTORY AND CIVILIZATION*

Nurul Khairiah Khalid<sup>1\*</sup>  
Mukhamad Khafiz Abdul Basir<sup>2</sup>  
Ahmad Rozaini Ali Hasan<sup>3</sup>  
Wan Kamal Nadzif Wan Jamil<sup>4</sup>

<sup>1</sup>Academy of Contemporary Islamic Studies (ACIS), UiTM Perak Branch, Seri Iskandar Campus, Malaysia.  
(E-mail: nkhairiah@uitm.edu.my)

<sup>2</sup>Academy of Contemporary Islamic Studies (ACIS), UiTM Perak Branch, Seri Iskandar Campus, Malaysia.  
(Email: khafiz@uitm.edu.my)

<sup>3</sup>Academy of Contemporary Islamic Studies (ACIS), UiTM Perak Branch, Seri Iskandar Campus, Malaysia.  
(E-mail: ahmad@uitm.edu.my)

<sup>4</sup>Academy of Contemporary Islamic Studies (ACIS), UiTM Perak Branch, Seri Iskandar Campus, Malaysia.  
(E-mail: wanka238@uitm.edu.my)

\*corresponding author

#### Article history

**Received date** : 22-7-2024  
**Revised date** : 23-7-2024  
**Accepted date** : 15-8-2024  
**Published date** : 30-8-2024

#### To cite this document:

Khalid, N. K., Abdul Basir, M. K., Ali Hasan, A. R. & Wan Jamil, W. K. N. (2024). Idea bangsa terbaik menurut perspektif sejarah dan peradaban. *Journal of Islamic, Social, Economics and Development (JISED)*, 9 (65), 457 -467.

**Abstrak:** Dalam era globalisasi yang sentiasa berkembang, konsep bangsa dan identiti nasional terus menjadi fokus utama dalam kalangan ahli akademik. Artikel ini bertujuan untuk menyelidiki idea tentang bangsa terbaik dengan menitikberatkan kepada perspektif sejarah dan peradaban. Kepelbagaian sejarah dan budaya manusia menciptakan landskap yang kaya dengan konsep identiti bangsa yang unik. Oleh sebab yang demikian, kefahaman yang mendalam terhadap perkembangan idea bangsa terbaik dari masa ke semasa dapat memberikan wawasan berharga dalam menghadapi perkembangan dunia semasa hari ini. Artikel ini melihat kepada peranan sejarah dan peradaban sebagai penentu dalam membentuk idea bangsa. Sejarah menjadi kunci utama untuk memahami akar dan perkembangan konsep-konsep ini, sementara peradaban menggariskan nilai-nilai yang membentuk identiti dan karakter suatu bangsa. Melalui pendekatan pelbagai disiplin ilmu, artikel ini menyelidiki peranan aspek-aspek seperti agama, bahasa dan peradaban dalam membentuk dan memelihara idea bangsa terbaik. Penyelidikan ini menggunakan pendekatan kajian kepustakaan yang menggabungkan penyelidikan arkib, analisis kandungan dokumen sejarah, dan analisa perbandingan tempoh masa yang berbeza. Sumber-sumber utama seperti penulisan sejarah digunakan untuk mengenal pasti perubahan kriteria dan persepsi yang berkaitan dengan bangsa terbaik. Penemuan kajian menunjukkan sifat dinamik konsep bangsa terbaik sepanjang sejarah, dengan perubahan citra yang dipengaruhi oleh peristiwa politik, pergerakan budaya, dan perubahan masyarakat. Dengan menggali lebih dalam ke dalam literatur sejarah dan kajian peradaban, artikel ini diharapkan dapat memberikan pandangan yang lebih komprehensif tentang perkembangan dan hubungkait idea bangsa terbaik dari

*masa ke masa. Penyelidikan berterusan terhadap konsep bangsa terbaik adalah perlu bagi membentuk wacana masyarakat pada masa kini dan akan datang.*

**Kata kunci:** *bangsa, negara, ras, peradaban, sejarah*

**Abstract:** *In the ever-evolving era of globalization, the concept of race and national identity continues to be the main focus among academics. This article aims to delve into the idea of the best nation and race by focusing on the perspective of history and civilization. The historical and cultural diversity of mankind creates a landscape rich in the concept of unique race identity. Therefore, a deep understanding of the development of the best people's ideas from time to time can provide valuable insight into the current world today. This article looks at the role of history and civilization as the main determinant in shaping the idea of race. History becomes the main key to understanding the roots and development of these concepts, while civilization outlines the values that make up the identity and character of a nation. Through a multidisciplinary approach, this article delves into the role of aspects such as religion, language and civilization in shaping and preserving the best ideas of race. The research uses a library study approach that combines archival research, analysis of the content of historical documents, and comparative analysis of different time periods. Key sources such as historical writing are used to identify changes in criteria and perceptions related to the best nation and race. The study's findings show the dynamic nature of the best nation concept throughout history, with changes in imagery influenced by political events, cultural movements, and societal changes. By digging deeper into the historical literature and the study of civilization, this article is expected to provide a more comprehensive view of the development and relevance of the best nation ideas over time. Continuous research on the concept of the best nation is necessary to shape the discourse of society in the present and future.*

**Keywords:** *civilization, ethnic, nation, race, history*

---

## **Pengenalan**

Terdapat pelbagai versi berkenaan bagaimana bermulanya penciptaan manusia di atas muka bumi ini. Namun secara asasnya manusia bermula dari pasangan yang satu, kemudiannya berkembang biak kepada pelbagai suku dan bangsa, dan seterusnya bertebaran di atas muka bumi ini menurut haluan masing-masing.

Seiring dengan masa, manusia semakin terlupa dengan asal keturunan yang satu ini dan mula membina sempadan dan memisahkan diri mereka kepada kelompok-kelompok mereka tersendiri. Di sinilah bermulanya konsep bangsa yang pada awalnya merupakan istilah yang digunakan untuk merujuk kepada kumpulan manusia berdasarkan ciri fizikal yang kelihatan, namun kemudian berkembang untuk merangkumi afiliasi kebangsaan

Banyak faktor yang membawa kepada perbezaan sesuatu bangsa dengan bangsa yang lain. Sudah semestinya masing-masing berbangga dengan keturunan bangsa masing-masing, seterusnya muncul keinginan untuk menguasai bangsa lain yang dianggap lebih lemah dan rendah dari bangsa mereka.

Konsep "bangsa terbaik" telah menjadi tema berulang sepanjang sejarah manusia. Idea kehebatan, sama ada dari segi kenegaraan atau bangsa, telah menampakkan dirinya dalam

pelbagai bentuk termasuk ideologi politik seterusnya mencetuskan konflik serta mempengaruhi struktur masyarakat. Penyelidikan ini berusaha untuk menyelidiki kepelbagaian tanggapan ini,

Sepanjang sejarah, masyarakat berusaha membina identiti serta berusaha untuk mewujudkan hierarki berdasarkan tanggapan ketuanan budaya, kaum, atau kebangsaan. Perkembangan idea "bangsa terbaik" dapat dikesan melalui zaman pengembangan, penaklukan, dan pertembungan budaya yang pelbagai. Apabila suatu tamadun bertembung dengan tamadun lainnya, timbul kesan positif dan negatif dalam interaksi tersebut dan secara tidak langsung persaingan mula berlaku untuk muncul sebagai yang terbaik melalui pelbagai aspek.

Pelbagai entiti telah menuntut gelaran "negara terbaik" dan "bangsa terbaik" sepanjang sejarah. Kuasa imperialis, negara-negara baru muncul, dan kumpulan agama semuanya menegaskan keunggulan mereka. Masing-masing sering memetik gabungan warisan sejarah, kekuatan ketenteraan, kemakmuran ekonomi, atau pencapaian budaya. Tuntutan ini mencerminkan bukan sahaja keinginan untuk perpaduan dalaman tetapi juga unjuran luaran dominasi di pentas global.

Memahami faktor-faktor yang menyumbang kepada dakwaan ini adalah penting untuk membongkar dinamik kompleks naratif keunggulan. Dari konteks sejarah, pertimbangan geopolitik, keadaan ekonomi, dan sikap budaya semuanya memainkan peranan penting dalam membentuk dan mengukuhkan persepsi satu kumpulan sebagai lebih tinggi daripada yang lain. Hubungan antara kuasa, ideologi, dan pembinaan identiti mewujudkan jaringan hubungan rumit yang boleh membawa kesan mendalam di pentas global.

Penulisan yang menggunakan pendekatan kajian kepustakaan ini bertujuan menyelidiki idea tentang bangsa terbaik dengan menitikberatkan kepada perspektif sejarah dan peradaban. Melalui idea tersebut kita akan dapat melihat faktor-faktor asas yang mendorong kepada dakwaan-dakwaan tersebut. Dakwaan-dakwaan sebegini dapat membangkitkan penghargaan terhadap generasi terdahulu dan mendorong kepada usaha generasi masa kini untuk turut mencapai gelaran terbaik, di samping pengiktirafan terhadap tamadun-tamadun lain yang turut mewarnai kesejahteraan manusia sejagat secara keseluruhannya.

### **Sorotan Literatur**

Kajian mengenai idea bangsa terbaik sering kali dikaitkan dengan bagaimana suatu bangsa membangun dan mempertahankan peradaban mereka. Perspektif sejarah dan peradaban memberikan wawasan mendalam tentang bagaimana bangsa-bangsa besar di masa lalu mengelola kebudayaan, politik, ekonomi, dan sosial mereka untuk mencapai status yang tinggi di mata dunia. Kajian ini bertujuan untuk mengeksplorasi konsep bangsa terbaik melalui analisis literatur yang meliputi berbagai peradaban besar dalam sejarah.

Dalam satu penulisan oleh Suhendri, S. (t.t) 'Karakter Kuat, Bangsa Hebat' menyatakan bahawa pembinaan dan pembangunan sesuatu bangsa tidak cukup sekadar dilihat daripada kecukupan aspek fizikal semata-mata, bahkan melibatkan juga aspek bukan fizikal iaitu aspek pembentukan keperibadian yang berkarakter spiritual, sosial dan aspek budaya tempatan. Penulisan ini menekankan aspek pendidikan dan kurikulum dalam membina dan memperkuat nilai karakter bangsa.

Konsep "bangsa terbaik" dalam sejarah adalah bersifat subjektif dan bergantung pada kriteria yang digunakan. Beberapa kriteria yang umum digunakan antara lainnya adalah kemajuan

teknologi dan ilmu pengetahuan yang melihat kepada kemampuan suatu bangsa untuk menghasilkan inovasi-inovasi yang memajukan kehidupan manusia. Kestabilan politik turut memainkan peranan penting apabila sesuatu peradaban itu mampu untuk mempertahankan pemerintahan yang stabil dalam jangka waktu yang panjang. Bangsa terbaik juga dinilai melalui kekayaan budaya dan sumbangannya dalam pelbagai bidang termasuk seni, sastera, dan muzik serta pengaruh oleh bangsa tersebut di persada antarabangsa.

### **Konsep dan Definisi Bangsa**

Istilah bangsa seringkali difahami dalam pelbagai sudut yang berbeza dan kadang-kala bercampur dengan istilah-istilah lain seperti ras, etnik dan kaum. Bangsa dan etnik seringkali digunakan secara bersama namun kedua-duanya mempunyai perbezaan dari aspek tertentu. Menurut Schnapper, D., 1995, secara umumnya terdapat 2 konsep berkaitan dengan istilah “bangsa”. Satu definisi ialah bangsa kewarganegaraan, manakala yang satu lagi ialah bangsa etnik.

Dari perspektif antropologi, etnik merujuk kepada amalan budaya dan tradisi yang dikongsi oleh sekumpulan manusia. Manakala bangsa pula ialah binaan sosial yang berasaskan ciri-ciri fizikal seperti warna kulit, tekstur rambut, dan ciri-ciri muka. (Adakah Etnik dan Bangsa Perkara yang sama, t.t)

Di dalam Kamus Dewan Edisi Keempat (2007), istilah “bangsa” mempunyai beberapa definisi dengan 2 definisi yang lazim digunakan umum iaitu yang pertama merujuk kepada jenis manusia daripada satu asal keturunan, dan ia disamakan dengan etnik dan ras. Definisi ini jika diterjemahkan ke bahasa Inggeris menjadi “race”. Manakala definisi lazim yang kedua membawa maksud kumpulan manusia dalam satu ikatan ketatanegaraan. Definisi ini diterjemahkan dalam bahasa Inggeris menjadi istilah “nation”.

Bangsa atau “nation” adalah suatu komponen penting dalam struktur ketatanegaraan moden yang dibina atas konsep negara bangsa atau “nation state”. Dalam bahasa mudah, negara bangsa adalah entiti yang menjalankan kuasa pentadbiran terhadap kawasan tertentu dan mempunyai kuasa kedaulatan ke atas kawasan tersebut dan penduduk dalam kawasan terbabit. (Rayner Sylvester Leo, 2019)

Konsep "bangsa" sebagai kategori yang berbeza mula terbentuk pada awal zaman moden, terutamanya di Eropah. Perkembangan bangsa berkait rapat dengan evolusi negara moden, kedaulatan politik, dan kemunculan identiti kebangsaan. Istilah ini semakin jelas bermula dengan Zaman Pencerahan pada abad ke 18M-19M melalui Revolusi Amerika dan Revolusi Perancis menjadi peristiwa penting di mana konsep moden tentang sebuah bangsa sebagai komuniti warganegara dengan identiti, bahasa, dan budaya yang dikongsi mula diperkukuh. (Schnapper, D., 1995)

Abad ke-19 menyaksikan kebangkitan gerakan nasionalis di seluruh Eropah dan bahagian lain di dunia. Penyatuan Itali (1861) dan Jerman (1871) adalah contoh bagaimana idea nasionalis membawa kepada pembentukan negara bangsa moden hingga kini.

### **Dakwaan Bangsa Terbaik Masyarakat Terdahulu**

Terdapat beberapa dakwaan daripada bangsa-bangsa terdahulu sebagai bangsa terbaik. Contoh-contoh ini dapat ditemui dalam sejarah. Penting untuk dicatat bahwa konsep ini sering kali berkait dengan kebanggaan nasional, kehebatan budaya, atau kepercayaan bahwa suatu bangsa

memiliki peranan yang unik atau pilihan dalam perjalanan sejarah. Berikut adalah beberapa contoh yang telah dikenalpasti dalam sejarah dan peradaban manusia:

### **Bangsa Rom**

Rom Kuno adalah salah satu contoh bangsa yang merasa memiliki peranan yang paling penting dalam peradaban dunia pada masanya. Rom terkenal dengan kehebatan pasukan ketenteraan dalam peperangan dan penduduk asal Rom dikenal sangat suka berperang (Nor Rahma Sukowati, 2024). Mereka memandang diri mereka sebagai penjaga peradaban dan keberlanjutan nilai-nilai Yunani Kuno. Di dalam al-Quran ada dinamakan surah al-Rum yang menjelaskan bukti kebenaran al-Quran berkenaan kemenangan Rom pada masa hadapan ke atas Parsi selepas kekalahan mereka sebelum ini.

### **Bangsa Parsi (Achaemenid)**

Parsi adalah panggilan berbahasa Yunani bagi Iran. Iran juga disebut sebagai Eran atau Irania bermaksud 'tanah bangsa Aryan', iaitu bangsa pertama yang menetap di Rantau tersebut. *Aryan* bermaksud 'mulia' atau 'yang merdeka' (Joshua, J. Mark, 2020). Penguasaan Parsi Achaemenid, di bawah pemerintahan seperti Darius I dan Xerxes I, memandang diri mereka sebagai pemimpin utama dalam peradaban dan menganggap bangsa-bangsa di sekitarnya sebagai budak atau tidak setanding.

### **Bangsa Yunani**

Sementara ada banyak negara-kota Yunani Kuno yang bersaing di antara satu sama lain, idea mengenai keunggulan budaya dan politik Yunani dapat ditemui dalam pemikiran seperti "Helenisme" yang menekankan keunggulan budaya Yunani.

### **Bangsa Mesir Kuno**

Mesir Kuno, dengan kebudayaan dan kepercayaannya yang kaya, merasa bahawa mereka memiliki peranan yang terpusat di dunia mereka. Mereka memandang diri mereka sebagai penerus tradisi agama dan penjaga aturan kosmos.

### **Bangsa Cina**

Penguasa atau Raja-raja Dinasti China seperti Dinasti Han dan Dinasti Ming menganggap diri mereka sebagai pemimpin tertinggi dalam dunia sinocentric, dengan keyakinan bahwa mereka memiliki peranan utama dalam peradaban dunia.

Penting untuk diingat bahwa dakwaan kekuasaan dan kehebatan seperti ini seringkali bersifat relatif dan bersumber dari pandangan internal masyarakat pada waktu tertentu. Selain itu, interpretasi sejarah dapat bervariasi sesuai dengan perspektif budaya dan politik setiap bangsa.

### **Dakwaan Bangsa Terbaik Era Kontemporari**

Dalam era kontemporari, dakwaan atau persepsi bahwa suatu bangsa adalah yang terbaik masih dapat ditemui, meskipun mungkin dalam bentuk yang berbeza dan lebih kontroversi. Beberapa contoh bangsa yang mungkin terlibat dalam retorik "unggul" atau "istimewa" dalam beberapa bentuk adalah:

Jepun: Sejarah Jepun pasca-Perang Dunia II mencatatkan transformasi besar-besaran dalam segi ekonomi, teknologi, dan budaya. Meskipun Jepun umumnya tidak secara terbuka menyuarakan dakwaan sebagai "bangsa terbaik," ada elemen nasionalisme dan kebanggaan terhadap kejayaan mereka dalam mencapai kemajuan.

Amerika Syarikat: Amerika Syarikat, terutama dalam beberapa tempoh sejarah dan dalam konteks politik tertentu, memiliki sejarah dakwaan "American exceptionalism" (keistimewaan Amerika). Idea ini menyatakan bahwa Amerika adalah negara yang unik dan luar biasa, memiliki peranan khusus dalam dunia sebagai pembawa kebebasan dan demokrasi.

China: China, dengan pertumbuhan ekonomi yang pesat dan pembangunan infrastruktur moden, telah meningkatkan rasa kebanggaan nasionalisme. Beberapa tokoh dan elemen dalam pemerintahan China mungkin menekankan peranan China sebagai kekuatan utama dalam pelbagai bidang.

India: Sebagai negara demokrasi terbesar di dunia dan dengan pertumbuhan ekonomi yang signifikan, India juga telah menciptakan naratif nasionalisme yang menekankan prestasi dan potensi mereka sebagai bangsa besar.

Rusia: Pemerintahan Rusia di bawah Vladimir Putin, dalam beberapa situasi, telah menekankan kebanggaan nasional dan dakwaan terhadap peranan penting Rusia di dunia, terutama dalam konteks politik dan keamanan global.

Dakwaan-dakwaan ini dapat mencerminkan pandangan nasionalisme, kebanggaan, atau perasaan identiti nasional, tetapi perlu diingat bahwa pendapat dan pandangan mengenai "bangsa terbaik" boleh menimbulkan salahfaham dan isu sensitif bagi pihak tertentu.

Dakwaan bangsa Jerman bangsa terbaik

Selama period sejarah tertentu, terutama pada masa sebelum dan selama Perang Dunia II, ideologi Nazi di Jerman menganut keyakinan mengenai kehebatan ras dan bangsa, yang dikenal sebagai "Aryanisme." Kefahaman ini menempatkan bangsa Jerman, atau lebih tepatnya, ras Aryan, sebagai yang paling unggul di antara semua ras.

Pemimpin Nazi, Adolf Hitler, dan para pengikutnya mempromosikan pandangan bahwa bangsa Jerman adalah "Herrenvolk" atau "ras bangsawan," dan mereka memandang diri mereka sebagai pemimpin utama dalam pencapaian budaya, ekonomi, dan ketenteraan. Konsep Volksgemeinschaft (masyarakat ras) digunakan untuk menyatakan visi solidariti dan kesatuan di antara orang-orang Jerman.

Menurut Carr, William G. (2014), Nazisme merupakan salah satu bentuk atheism yang mentuhankan negara Jerman. Seluruh dunia harus tunduk kepada Jerman dengan kekuatan, dan membangun kebudayaan supremasi ras Arya Jerman.

Namun, penting untuk diingatkan bahwa pandangan ini tidak mencerminkan pandangan seluruh masyarakat Jerman, dan banyak warga Jerman sendiri menentang atau tidak sepakat dengan ideologi tersebut. Setelah kejatuhan rezim Nazi dan Perang Dunia II, pandangan-pandangan kehebatan ras ini secara luas dianggap sebagai salah dan kejam, dan Jerman sebagai negara dan masyarakat secara rasmi menolak dan menyesali masa lalu mereka yang dikaitkan dengan pemahaman tersebut. Sejak saat itu, Jerman telah menjadi contoh negara yang memegang nilai-nilai demokrasi, hak asasi manusia, dan perdamaian antarabangsa.

## Dakwaan Bangsa Terbaik Menurut Perspektif Agama

### Konsep "The Chosen People" bagi bangsa Yahudi

Konsep "The Chosen People" (bangsa yang terpilih) dalam tradisi Yahudi memiliki asas dalam kitab suci mereka, terutama dalam Alkitab Ibrani (Tanakh), khususnya dalam bahagian Perjanjian Lama. Konsep ini pertama kali ditemui dalam Kitab Kejadian, di mana Allah memilih Ibrahim dan keturunannya untuk menjadi umat-Nya. Konsep ini juga muncul dalam Kitab Keluaran dan Kitab Ulangan, di mana Allah mengingatkan Israel bahwa mereka adalah bangsa yang dipilih-Nya.

Konsep "The Chosen People" dalam konteks Yahudi tidak selalu disamakan sebagai dakwaan keunggulan yang bersifat eksklusif atau merendahkan bangsa-bangsa lain. Sebaliknya, dalam tradisi Yahudi, menjadi bangsa yang terpilih membawa tanggungjawab moral dan etika yang tinggi. Umat Yahudi diharapkan untuk mengikuti hukum dan perintah Tuhan dengan baik, dan bukan sebagai alasan untuk merasa lebih baik dari bangsa-bangsa lain.

Mereka berpandangan bahawa pengaruh konsep "The Chosen People" terhadap pandangan diri bangsa Yahudi dapat disamakan sebagai rasa tanggung jawab dan tugas untuk memelihara kesucian, keadilan, dan aspek moral. Meskipun ada kelompok atau individu di sepanjang sejarah yang menggunakan konsep ini untuk merendahkan orang lain, banyak pemahaman tradisional menekankan bahwa pilihan Tuhan terhadap bangsa Yahudi lebih berkait rapat dengan tanggung jawab moral dan misi kerohanian lebih daripada kehebatan bangsa atau budaya.

Dalam sejarah moden, banyak komuniti Yahudi memandang diri mereka sebagai penyumbang yang berharga dalam bidang seni, sains, falsafah, dan masyarakat secara keseluruhan. Namun, dakwaan sebagai "bangsa terbaik" dalam pengertian eksklusif tidak selalu mewakili pandangan yang diterima secara luas dalam komuniti Yahudi, yang cenderung menekankan nilai-nilai etika dan tanggungjawab sosial sebagai sebahagian penyatuan dari konsep "The Chosen People."

### Konsep Ummah Terbaik dalam Agama Islam

Secara umumnya, umat bererti entiti sosial dan majmuk. Ia juga membawa maksud sekelompok manusia dengan satu ajaran dan kepercayaan, pemeluk atau penganut satu agama (Ritonga, A. H., 2020). Dalam Kamus Dewan edisi Keempat (2007), umat bermaksud para pemeluk atau penganut satu agama, segolongan manusia dan juga bermaksud bangsa. Manakala penggunaan istilah umat di dalam al-Quran mengandungi beberapa makna seperti generasi, agama atau syariat, sekelompok manusia, bahkan turut merangkumi binatang sebagai sebahagian daripada umat. (Ritonga, A. H., 2020).

Dalam Islam, konsep ummah terbaik (*khaira ummah*) merujuk pada pandangan bahwa umat Islam dianggap sebagai umat yang terpilih atau terbaik di mata Allah SWT. Konsep ini dapat ditemui di dalam Al-Qur'an dan Hadis, dan sering dikaitkan dengan tanggung jawab dan tugas moral yang tinggi bagi umat Islam.

Beberapa ayat dalam Al-Qur'an menyoroti konsep ummah terbaik, menggambarkan umat Islam sebagai "khaira ummah" atau umat yang terbaik. Salah satu contoh ayat yang mencerminkan konsep ini dapat ditemui dalam Surah Al-Imran (3:110):

"Kamu adalah umat yang terbaik yang dilahirkan untuk (menyebarkan) kemaslahatan kepada manusia; kamu menyuruhkan (ayat-ayat Allah) dan kamu beriman kepada Allah. Sekiranya Ahli Kitab beriman, tentulah itu lebih baik bagi mereka. Di antara mereka ada yang beriman, dan kebanyakan dari mereka adalah orang-orang yang fasik."

Pemahaman terhadap konsep ummah terbaik mencakupi beberapa aspek:

**Tanggung Jawab Moral dan Sosial:** Umat Islam dianggap sebagai umat yang memiliki tanggung jawab moral dan sosial yang tinggi. Mereka diharapkan untuk mengikuti ajaran Islam, menjalankan keadilan, dan menyebarkan kebaikan kepada seluruh umat manusia.

**Menjadi Contoh Teladan:** Umat Islam diharapkan menjadi contoh teladan dalam perilaku dan kehidupan seharian, sehingga dapat menginspirasi dan membimbing orang lain menuju kebenaran dan keadilan.

**Menyebarkan Ajaran Islam:** Umat Islam dianggap sebagai pembawa risalah Allah kepada umat manusia. Oleh kerana itu, tugas umat Islam adalah menyebarkan ajaran Islam dan mengajak orang lain menuju kebenaran.

**Keadilan dan Kesejahteraan:** Umat Islam diharapkan untuk mempromosikan keadilan, perdamaian, dan kesejahteraan dalam masyarakat. Mereka juga diwajibkan untuk menolong sesama manusia tanpa memandang agama, suku, atau ras.

Konsep ummah terbaik ini juga tidak bermaksud merendahkan umat-umat lain. Sebaliknya, Islam mengajarkan toleransi, kerjasama, dan penghargaan terhadap kepelbagaian di antara umat manusia.

### **Ciri-Ciri Bangsa Terbaik Pada Masa Dahulu Dan Pada Masa Kini**

Perbandingan ciri-ciri bangsa terbaik pada masa dahulu dan pada masa kini melibatkan kefahaman terhadap konteks sejarah, sosial, dan politik bagi setiap garis masa. Berikut adalah beberapa perbandingan antara ciri-ciri bangsa terbaik pada masa dahulu dan pada masa kini:

#### **Masa Dahulu**

**Pembentukan dan Perluasan Wilayah:** Bangsa terbaik pada masa dahulu seringkali dikenalpasti melalui kekuatan ketenteraan dan kemampuan untuk menakluk atau memperluas wilayah. Contohnya, Empayar Rom Kuno, Empayar Parsi, atau Dinasti China menggambarkan bangsa-bangsa yang memperluas pengaruh mereka melalui penaklukan.

**Keunggulan Budaya dan Ilmiah:** Bangsa terbaik pada masa dahulu sering dihubungkan dengan keunggulan dalam bidang seni, sastera, sains, dan kebudayaan secara keseluruhan. Misalnya, Dinasti Yunani, Zaman Renaisans Itali, atau Dinasti Islam Abbasiyah menunjukkan kehebatan dalam bidang ini.

**Pemimpin Unggul:** Bangsa terbaik pada masa dahulu sering kali dikaitkan dengan adanya pemimpin yang kuat dan berkarisma, seperti Kaisar di Rom, Cyrus di Persia, atau Kaisar Qin Shi Huang di China.



### **Masa Kini:**

**Pertumbuhan Ekonomi dan Inovasi:** Bangsa terbaik pada masa kini sering diukur oleh pertumbuhan ekonomi, inovasi, dan perkembangan teknologi. Contohnya, negara-negara maju seperti Amerika Syarikat, Jepun, dan negara-negara Eropah Barat sering dianggap sebagai bangsa-bangsa terkemuka dalam hal ini.

**Pemimpin di Bidang Ilmu Pengetahuan dan Teknologi:** Bangsa terbaik pada masa kini sering diiktiraf melalui kemampuan mereka untuk memimpin dalam penelitian ilmiah, teknologi, dan inovasi. Negara-negara seperti Amerika Syarikat dan China pada ketika ini menonjol dalam bidang ini.

**Demokrasi dan Hak Asasi Manusia:** Bangsa terbaik pada masa kini sering diukur oleh kualiti sistem politik mereka, termasuk prinsip-prinsip demokrasi, perlindungan hak asasi manusia, dan keadilan sosial. Beberapa negara Eropah dan Kanada sering dianggap sebagai contoh dalam hal ini.

**Kemajuan Sosial dan Kesejahteraan:** Bangsa terbaik pada masa kini sering dikaitkan dengan kemajuan dalam aspek kesejahteraan sosial, pendidikan, kesihatan, dan hak-hak individu. Negara-negara Skandinavia (semenanjung di utara Eropah – Norway, Sweden dan Denmark), misalnya, sering diakui atas sistem kesejahteraan mereka (Anna Fleck, 2023).

Perlu dicatat bahwa penilaian terhadap ciri-ciri bangsa terbaik adalah pelbagai bergantung pada perspektif dan kriteria yang digunakan. Selain itu, munculnya globalisasi juga memperkenalkan elemen-elemen baru dalam pemahaman dan peringkat bangsa-bangsa terbaik pada masa kini.

### **Kesimpulan dan Cadangan**

Melalui kajian ini, jelas bahwa konsep bangsa terbaik dapat dilihat dari pelbagai perspektif yang berbeza, baik kemajuan teknologi, kestabilan politik, budaya, atau pengaruh global. Setiap peradaban besar dalam sejarah memberikan sumbangan yang unik dan penting bagi perkembangan peradaban manusia secara keseluruhan. Dengan memahami sejarah dan peradaban bangsa-bangsa besar ini, kita dapat mengapresiasi aspek-aspek yang membuat suatu bangsa dianggap sebagai yang terbaik pada zamannya.

Tanpa menafikan keunggulan bangsa-bangsa terdahulu, penemuan kajian menunjukkan sifat dinamik konsep bangsa terbaik sepanjang sejarah, dengan perubahan citra yang dipengaruhi oleh peristiwa politik, pergerakan budaya, dan perubahan masyarakat.

Kajian ini menekankan kepentingan mempertimbangkan konteks sejarah dalam memahami tanggapan kontemporari terhadap bangsa terbaik. Dengan mengiktiraf sifat dinamik konsep ini, pembuat dasar dan cendekiawan dapat lebih menghargai betapa kompleksnya identiti negara dan bangsa dan berusaha ke arah memupuk perbincangan yang inklusif dan ilmiah mengenai topik ini. Selain itu, kajian dan penyelidikan berterusan hendaklah dibuat terhadap sifat konsep bangsa terbaik untuk membentuk wacana masyarakat pada masa kini dan akan datang.

Selain itu, artikel ini meneliti bagaimana perspektif sejarah dapat membantu kita memahami cabaran dan peluang yang dihadapi oleh ideologi bangsa dalam konteks globalisasi. Apakah idea bangsa terbaik dapat bertahan dan berkembang dalam dunia yang semakin mengecil ini, atau perlu kepada adaptasi dan diterjemahkan semula bagi menjawab persoalan-persoalan yang berkaitan?

## Rujukan

- Adakah Etnik dan Bangsa adalah Perkara yang sama. t.t. diakses dari <https://ancestrum.com/ms/adalah-etnik-dan-bangsa-adalah-perkara-yang-sama/#:~:text=Kesimpulannya%2C%20etnik%20dan%20bangsa%20adalah%20berkaitan%2C%20tetapi%20mereka,ciri-ciri%20fizikal%20seperti%20warna%20kulit%20dan%20ciri%20muka>.
- Al-Hurirat, A. A. A. (2022). The Purposes of the Noble Qur'an in Building Human Civilization Through Surat Al-Rum. *Journal of Mu'tah Lil-Buḥūth wad-Dirāsāt: Humanities & Social Sciences Series*, 37(6).
- Anna Fleck. 2023. The Happiest Countries in the World. Diakses dari <https://www.statista.com/chart/17428/happiest-countries-in-the-world/>
- Banton, M. (1979). The idea of race and the concept of race. *Race, education and identity*, 15-30.
- Bernasconi, R. (2020). Who invented the concept of race?. In *Theories of race and racism* (pp. 83-103). Routledge.
- Billingsley, A. (2002). Race and Nation. *Social Service Review*. <https://doi.org/30013040>
- Carr, William G. (2014). Dunia ditakluk Zionis. Terjemahan dan suntingan oleh Noor Mohamed Bin Mohd Yousof. Selangor. Telaga Ilmu
- Darman, M. S. R. (2022). Konsep Bangsa Ideal Perspektif Al-Qur'an dan Tanakh: Studi Analisis Komparatif QS Ali 'Imran/3: 110 dan Tanakh. *AL-AQWAM: Jurnal Studi Al-Quran dan Tafsir*, 1(1), 45-54.
- Eriksen, T. H. (1997). Ethnicity, race and nation. *The ethnicity reader: nationalism, multiculturalism and migration*, 33-42.
- Falah, F. (2023). *Konsep Khair Ummah dalam QS Āli 'Imrān [3]: 110 (Studi Komparatif Tafsir Al-Misbah & Tafsir Fi> Z {ila> l al-Qur'an* (Doctoral dissertation, Institut Agama Islam Negeri Madura).
- Fauzi, A. (2015). Konsep Umat dalam Al-Qur'an: Menggali Nilai-nilai Apriori dan Aposteriori Sosial. *Tanzil: Jurnal Studi Al-Quran*, 1(1), 77-90.
- Fenton, S., & May, S. (2002). Ethnicity, nation and 'race': connections and disjunctures. In *Ethnonational identities* (pp. 1-20). London: Palgrave Macmillan UK.
- Huda, N. (2016). Konsep Percaya Diri Dalam Al-Qur'an Sebagai Upaya Pembentukan Karakter Bangsa. *Jurnal Ilmiah: Inovatif*, 2(2), 65-90.
- Hudson, N. (1996). From "Nation to "Race": The Origin of Racial Classification in Eighteenth-Century Thought. *Eighteenth-Century Studies*, 29(3), 247-264. <http://www.jstor.org/stable/30053821>
- Joshua, J. Mark (2020). Sepuluh Fakta yang Perlu Diketahui Tentang Parsi Purba. Diakses dari <https://www.worldhistory.org/trans/ms/2-1606/sepuluh-fakta-yang-perlu-diketahui-tentang-parsi-p/>
- Keller, E. J. (1995). The Ethnogenesis of the Oromo Nation and Its Implications for Politics in Ethiopia. *The Journal of Modern African Studies*, 33(4), 621-634. doi:10.1017/S0022278X00021467
- Khairulyadi, K., Bukhari, B., Masrizal, M., Triyanto, T., & Saputra, A. (2021). Asabiyah and Religious Solidarity (A Socio-Historical Analysis of Asabiyah's Ibn Khaldun in relation to the Concept of Muslim Unity). *Community: Pengawas Dinamika Sosial*, 7(1), 1-14.
- Marzuki, M. (2023). Konsep Umat-Umat Terbaik dalam Al-Qur'an (Perspektif Penafsiran Habiburrahman El Shirazy dalam Novel Ayat-Ayat Cinta 2).
- Moktar, M. S., Chik, W. M. Y. W., Zulkafli, N. F., Nawawi, A. Z., & Yaakob, R. (2022). Implementation Of Quraishiyah Concept In Malaysia Governance: Pelaksanaan Konsep Quraishiyah Dalam Sistem Pemerintahan Di Malaysia. *al-Qanatir: International Journal*

- of Islamic Studies*, 26(2), 24-35.
- Nor Rahma Sukowati. (2024). Kerajaan Romawi. Diakses dari [https://www.selasar.com/kerajaan-romawi/#Masa\\_Kejayaan\\_Romawi](https://www.selasar.com/kerajaan-romawi/#Masa_Kejayaan_Romawi)
- Rahmaningsih, A. A. (2022). Konsep Persatuan Bangsa dalam Piagam Madinah dengan Konstitusi Indonesia. *Bullet: Jurnal Multidisiplin Ilmu*, 1(03), 242-249.
- Ratcliffe, P. (2005). Conceptualizing “race”, ethnicity and nation: towards a comparative perspective. In *Race, Ethnicity And Nation* (pp. 12-31). Routledge.
- Rayner Sylvester Leo. (2019). Bangsa Malaysia- Dahulu dan Sekarang. <https://www.malysiakini.com/news/484613>
- Reid, A. (2001). Understanding Melayu (Malay) as a Source of Diverse Modern Identities. *Journal of Southeast Asian Studies*, 32(3), 295–313. doi:10.1017/S0022463401000157
- ). Konsep Umat dalam Al-qur’an (Perspektif Pengembangan Masyarakat). *Jurnal at-Taghyir: Jurnal Dakwah dan Pengembangan Masyarakat Desa*, 3(1), 103-116.
- Schnapper, D. (1995). The Idea of Nation. *Qualitative Sociology*, 18(2)
- Suhendri, S. Karakter Kuat, Bangsa Hebat: Proses, Masalah dan Solusi Menanamkan Karakter Pada Generasi Masa Depan. LPMP Review.
- Vu, T. (2010). Studying the State through State Formation. *World Politics*, 62(1), 148–175. doi:10.1017/S0043887109990244